



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Rejiaun Espesiál Oe-Cusse, Ambeno (RAEOA)
27 Fevereiru 2018

**JSMP fahe informasaun kona-ba Direitu Labarik ba estudante Sekundáriu Tékniku
Vokasionál Palaban – Oe-Cusse**

Iha 23 Fevereiru 2018, JSMP hala'ó treinamentu ba iha Eskola Tékniku Vokasionál Palaban, Rejiaun Espesiál Oe-Cusse, Ambeno (RAEOA). Partisipante sira ne'ebé partisipa iha atividade ne'e hamutuk ema na'in 30, ne'ebé kompostu hosi feto 14 no mane 16.

Objetivu hosi treinamentu ne'e maka atu habelar informasaun no hasa'e koñesimentu partisipante sira-nian kona-ba direitu labarik, instituisaun relevante sira ne'ebé iha dever atu proteze labarik sira nia direitu, inklui informasaun kona-ba tipu krime no tipu violénsia hasoru labarik no artigu relevante sira ne'ebé proteze labarik.

“JSMP iha komitmentu atu kontinua habelar informasaun legál sira ne'e tanba estudante sira mós dala barak iha risku ba violénsia no sira la hatene oinsa atu lori prosesu ne'e tuir sistema justisa formal”, dehan Diretór Ezekutivu JSMP, Luis de Oliveira Sampaio.

“Treinamentu ne'e importante atu hasae koñesimentu estudante sira atu hatene kona-ba saida maka direitu labarik, no impaktu sira husi krime no violénsia hasoru labarik sira” nia hatutan.

Diretór Eskola Tékniku Vokasionál Palaban Oe-Cusse, Sr. Francisco Jose Caet iha abertura no enseramentu hato'ó apresiasaun relasiona ho atividade treinamentu ida ne'e. Nia hatutan katak estudante sekundáriu sira nu'udar alvu ba atividade formasaun ne'e, importante mós atu simu informasaun sira hanesan ne'e atu nune'e sira mós iha responsabilidade hodi tau-matan no proteze labarik ki'ik sira no liuliu ba alin feto sira.

Durante sesaun treinamentu, JSMP observa katak estudante sira hatudu sira nia interese hodi partisipa ativu tebes. Imprensa ida-ne'e observa atraves hosi perguntas no apresenta sira nia esperensia ne'ebé sira hetan iha sira nia comunidade nomós iha sira nia eskola relasaun ho violénsia no diskriminasaun hasoru labarik. Estudante sira hateten katak treinamentu kona-ba direitu labarik ne'e foin primeira-vez sira simu. Tanba ne'e sira manifesta laran kontente no apresiasaun ba JSMP atraves husi treinamentu no divulgasaun informasaun importante hirak ne'e.

Atividade treinamentu ne'e realiza tanba hetan suporta orsamentu husi Embaixada Canada iha Jakarta

Atu hetan informasaun liutan bele kontaktu ba:

Luis de Oliveira Sampaio
Diretor Executivo JSMP
E-mail: luis@jsmp